



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

65. Injuncti Nobis &c. Confirmatio Decreti Congregationis Sacrorum  
Rituum editi super Cultu immemorabili Beato Gregorio Papæ X. Exhibito, &  
casu excepto à Decretis fel. rec. Urbani Papæ VIII.

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

Præceptum super obsequantia præsentis Constitutionis,

Fides habenda Transumptis.

Sanctio poenalis.

Dat. die 8. Septembris anno 1713.

Publicatio.

LXV.

Exordium.

stolicâ tenore præsentium iterum prohibemus, ac similiter damnamus; quemadmodum etiam alios omnes, & singulos in ejus defensionem tam scripto, quam typis editos, seu forsan (quod Deus avertat) edendos libros, seu libellos, eorumque lectionem, descriptionem, retentionem, & usum omnibus, & singulis Christianissimis sub penâ excommunicationis per contrafactantes ipso facto incurrenda, prohibemus pariter, & interdicimus.

§. 9. Præcipimus insuper Venerabilibus Fratribus Patriarchis, Archiepiscopis, & Episcopis, aliisque locorum Ordinariis, nec non hæreticæ pravitatis Inquisitoribus, ut contradictores, & rebelles quoscumque per censuras, & penas præfatas, aliaque juris, & facti remedia, invocato etiam ad hoc, si opus fuerit, brachii Sæcularis auxilio, omnino coerceant, & compellant.

§. 10. Volumus autem, ut eadem præsentium transumptis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem fides profus adhibeatur, quæ ipsis originalibus literis adhiberetur, si forent exhibitæ, vel ostensæ.

§. 11. Nulli ergo hominum liceat hanc paginam nostræ declarationis, damnationis, mandati, prohibitionis, & interdictionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem Anno Incarnationis Dominicæ Millesimo septingentesimo decimotertio, sexto Idus Septembris, Pontificatus Nostri Anno Decimotertio.

J. Card. Prodatarius. F. Oliverius.  
Vîs de Curia L. Sergardus.  
Loco † Plumbi.  
Registrata in Secretaria Brevium.  
L. Martinetus.

Anno à Nativitate D. N. Jesu Christi millesimo septingentesimo decimo tertio, Indictione sexta, die verò decima Septembris, Pontificatus Sanctissimi in Christo Patris, & D. N. D. Clementis Divina Providentia Papæ XI. Anno Decimo tertio supradictæ literæ Apostolicæ affixæ, & publicatæ fuerunt ad valvas Ecclesiæ Lateranensis, & Basilicæ Principis Apostolorum, Cancellariæ Apostolicæ, Curie Generalis in Monte Citorio, in acie Campi Floræ, ac in aliis locis solitis, & consuetis Urbis per me Petrum Romolatum Apostolicum Cursorem.

Antonius Placentinus Magister Curs.

CONFIRMATIO

Decreti Congregationis Sacrorum Rituum editi super Cultu immemorabili.

BEATO GREGORIO PAPÆ DECIMO

Exhibito, & casu excepto à Decretis sel. rec. Urbani PP. VIII.

CLEMENS PAPA XI.

Ad futuram rei memoriam.

Injuncti Nobis cælitus pastoralis officii sollicitudo Nos urget, ut gloriosorum cælestis Hierusalem Civium, quorum sapientiam narrant Populi, & laudem nuntiat Ecclesiæ, illorumque

potissimum, quos Unigenitus Dei Filius gregi sui Pastores constituit secundum cor suum, quique in generationibus gentis suæ gloriam adepti, placuerunt Domino in diebus suis, ac fidei gubernaculum viriliter tenentes, anchoram spei tranquillâ jam in statione composuerunt, plenatque cælestibus divitiis, & æternis mercibus navem optato in litore collocarunt, venerationem, & cultum promovere studeamus in terris, sicut pia Catholicorum Antistitem in partem sollicitudinis nostræ vocatorum aliorumque Christianissimorum, ac præsertim pietate non minus, Christianisque virtutibus, quam generis splendore fulgentium vota postulant, & Nos ad Omnipotentis Dei gloriam, Catholicæ Ecclesiæ decus, & prædium, spiritualeque fidelium populorum adificationem, ac devotionem fovendam conducibile fore in Domino arbitramur.

§. 1. Cum itaque aliâs in Congregatione tunc existentium S. R. E. Cardinalium sacris Ritibus præpositorum processu autoritate Apostolica constructi super virtutibus, & miraculis in specie fel. rec. Beati Gregorii PP. X. Prædecessoris Nostri exhibiti fuerint, illorumque validitate de more examinata. ac die ix. Januarii MDCXXX. ad relationem bon. mem. Cosmi, dum vixit, ejusdem S. R. E. Cardinalis de Torres nuncupati respectivè approbatâ, successivè, nempe die iv. Maii ejusdem anni, ab eadem Congregatione Cardinalium favorabile rescriptum emanaverit: constare de virtutibus heroicis; deinde verò ad humillimas preces Venerabilis Fratris Benedicti Episcopi Arcini, etiam nomine dilectorum Filiorum Communitatis, & hominum Civitatis Arcinæ nec non Antonii Mariæ Bonucci Presbyteri Regularis expressè professi Societatis Jesu ejusmodi Causâ Postulatoris, per Dilectum Filium nostrum Ferdinandum supradictæ S. R. E. Presbyterum Cardinalem de Abduna nuncupatum in locum similis mem. etiam, dum vixit, Francisci prædictæ S. R. E. Cardinalis Montalti nuncupati, qui anno MDCXLII. in locum ejusdem Cosmi Cardinalis subrogatus fuerat, deputatum, proposito dubio in eadem Congregatione Cardinalium die xi. Februarii proximè præteriti super signaturâ Commissionis reassumptionis Causæ ad formam novissimorum decretorum rec. mc. Innocentii Papæ XI. itidem Prædecessoris nostri, responsum fuerit, esse locum signaturæ Commissionis, prout per Nos signata fuit, cum facultate videndi, & examinandi, an ex supradictis processibus Apostolicis, sicut præmittitur, confectis constaret de casu excepto à decretis piæ mem. Urbani PP. VIII. similiter Prædecessoris nostri, & de eorum partitione, sive de cultu publico, & immemorabili dicto Beato Gregorio PP. X. exhibito; demumque in hujusmodi commissionis sequelam propositâ Causâ per eundem Ferdinandum Cardinalem super prædicto dubio, illoque in prædictâ ordinariâ Congregatione Cardinalium discussio: ipsa Congregatio, audito prius tam scripto, quam voce dilecto Filio Magistro Prospero de Lambertinis in utrâque Signatura nostra Referendario, Fidei Promotore, respondendum esse censuerit; constare de cultu immemorabili, seu de casu excepto à prædictis Urbani Prædecessoris decretis.

§. 2. Hinc est, quod Nos non modo piis, devotisque Benedicti Episcopi, ac Communitatis, & hominum, nec non Antonii Mariæ prædictorum, sed etiam enixis novissimè additis dilecti Filii Nobilis Viri Cosmi Etruriæ sibi subiectæ Magni Ducis supplicationibus Nobis super hoc humiliter porrectis favorabilem assensum, quantum cum Domino possumus, præbere cupientes, & eorum singulares personas à quibusvis excommu-

Exponitur cause status

Congregatio Sacrorum Rituum decernit constare de cultu, & casu excepto.

Pontifex ejusmodi decretum confirmat &c.

nica.

mcationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum, harum serie absolventes, & absolutas fore censentes, Decretum à prædicta Cardinalium Congregatione editum, ut præfertur, quodd scilicet de cultu immemorabili eidem Beato Gregorio PP. X. exhibito, seu de casu excepto à Decretis prædicti Urbani Prædecessoris constet, Apostolicâ auctoritate tenore presentium confirmamus, & approbamus, illique inviolabilis Apostolicæ firmitatis robur adjicimus: salvâ tamen semper in præmissis auctoritate, memoratæ Congregationis Cardinalium.

§. 3. Decernentes easdem presentes literas firmas, validas, & efficaces existere, & fore, suosque plenarios, & integros effectus fortiri, & obtinere; ac illis, ad quos spectat, & spectabit in futurum, plenissimè suffragari, & ab eis respectivè inviolabiliter observari: sicque in præmissis per quoscumque Judices Ordinarios, & delegatos etiam Causarum Palatii Apostolici Auditores judicari, & definituri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, cæterisque contrariis quibuscumque; Volumus autem, ut ipsarum presentium literarum transumptis etiam impressis, manu alicujus Notarii publici subscriptis, & sigillo Personæ in Ecclesiasticâ dignitate constitutæ munitis, eadem prorsus files in judicio, & extra illud habeatur, quæ haberetur ipsis presentibus, si forent exhibitæ, vel ostensæ. Datum Romæ apud S. Mariam Majorem, sub Anulo Piscatoris die XXI. Septembris MDCCXIII. Pontificatus Nostri Anno XIII.

F. Oliverius.

Decretum  
irritans cum  
consuetis  
clausulis.

LXVI.

## C O N C E S S I O

Indulgentiarum Christianidelibus Italiae, & Insularum adjacentium, Divinam opem pro præservatione, seu liberatione à grassante in præsens epidemica Animalium luc implorantibus.

## C L E M E N S P A P A X I .

*Ad futuram rei memoriam.*

I nter diuturnas, ac sanè gravissimas, quibus ab eo propemodum die, quo humilitatem nostram ad Supremi Apostolatus fastigium evocavit Altissimus, undequaque premimur, Christianæ Reipublicæ calamitates, eâ novissimè, quâ Deus visitare Nos voluit, ærumnâ, dirâ scilicet Animalium, ac præsertim Bomum epidemica lue, paternæ nostræ Charitatis studio vehementer commoti, ad Supremum misericordiarum Patrem, illum scilicet, qui laboribus hominum, etiam de mutis Animalibus solatia subrogavit, toto corde clamavimus, & adhuc elatâ magis voce clamare non cessamus, ut sine quibus non aliter humana conditio, nostris faciat usibus non perire, Indictis idcirco nuperimè publicis precibus, Christianidelibus in Almâ Urbe nostrâ, quam manus Domini tetigit, ac etiamnum graviter tangit, degentes ad iram Dei, quæ peccatis hominum assidue læcessit, per salutaris pœnitentiæ lamenta, ac jejunia, & eleemosynas, sin-

ceratque, & unanimes obsecrationes, atque orationes placandam, spiritualium gratiarum, quarum dispensationem fidei nostræ commisit Divina dignatio, elargitione excitare studuimus. Id ipsum verò nunc, ut & reliqui etiam Christianidelibus Italiae universæ, & Insularum illi adjacentium, quippe qui ejusmodi flagelli aut metu anguntur, aut sensu afflicti, scissis per veram pœnitentiam cordibus, ac auctis per jejuniorum labores, & eleemosynarum largitiones viribus orationis facere conitantur, eos omnes, & singulos paternè adhortandos, & monendos, eorumque pietatem erogatis itidem Cœlestium gratiarum thesauris incitandam, atque fovendam esse arbitramur, Itaque Venerabilibus Fratribus Patriarchis, Archiepiscopis, & Episcopis, aliisque Ecclesiarum Prælatibus, & Ordinariis Civitatum, & Diocesium, Oppidorum, Terrarum, & Locorum universæ Italiae, & Insularum ei adjacentium hujusmodi, seu eorum Vicariis in Spiritualibus Generalibus per presentes committimus, & mandamus, ut statim atque ipsarum presentium literarum transumptis, seu exempla, etiam impressa ad eos pervenerint, Processiones in suis respectivè Civitatibus, Oppidis, Terris, & Locis instituant, publicasque preces pro illorum à flagello prædicto præservatione, ac liberatione respectivè indicant; Nos enim omnibus, & singulis utriusque sexus Christianidelibus verè pœnitentibus, & confessis, ac Sacrà Communione reffectis, qui Processionibus hujusmodi respectivè interfuerint, vel Ecclesiam, à quâ, & ad quam aliqua Processio hujusmodi fiet, eodem vel aliquo ex septem subsequentibus diebus devotè visitaverint ibique Divinum auxilium (ut præmittitur) imploraverint, ac insuper peracto unius diei jejunio Ecclesiastico, aliquam eleemosynam, prout unicuique suggeret devotio, pauperibus erogaverint, plenariam omnium peccatorum suorum Indulgentiam, & remissionem per unumquemque Christianidalem semel tantum lucrificandam, misericorditer in Domino concedimus præterea eisdem Christianidelibus, qui recitationi Litaniarum Omnium Sanctorum, cum Collectis, & precibus consuetis in aliquâ ex Ecclesiis Civitatum, Oppidorum, Terrarum, & Locorum prædictorum per memoratos Locorum Ordinarios respectivè designandis mense à die publicationis earundem presentium computando durante dumtaxat, itidem devotè interfuerint, ibique, ut supra dictum est, oraverint, quocumque die interim id egerint decem annos, & totidem quadragenas de injunctis eis, seu per eos quomodolibet debitis pœnitentiis in formâ Ecclesiæ consuetâ relaxamus, nec non ut omnes, & singula Indulgentiæ, seu peccatorum remissiones, & pœnitentiæ relaxationes prædictæ Animabus fidelium, quæ Deo in charitate conjunctæ ab hac luce migraverint, per modum suffragii applicari possint, concedimus pariter, & indulgemus. Cæterum Regularibus utriusque sexus in perpetuâ clausurâ viventibus, nec non aliis Christianidelibus quibuscumque in carcere existentibus, vel aliquâ corporis infirmitate, seu aliquo quocumque impedimento detentis, qui supra expressa, vel eorum aliqua præstare nequiverint, ut illa Confessarius ex jam approbatis à Locorum Ordinariis ante presentium publicationem, seu approbandis, eis in alia pietatis opera commutare, vel in aliud proximum tempus differre, eaque injungere possit, quæ ipsi Pœnitentes adimplere poterunt, similiter indulgemus. Volumus autem, ut earundem presentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiasticâ Dignitate consti-